

Como parti di educacion artistico

Museo Historico ta brinda oportunidad pa siña traha popchi na man



DESDE e maneho y vision nobo na Museo Historico, comunidad di Aruba a experiencia un aire diferente, unda cu sigur ta duna atencion na varios aspecto artistico. Museo Historico e biaha aki ta brinda un excelente oportunidad pa cualkier persona interesa, pa siña con pa traha popchi na man, bou guia di e artista local, Rita Maasdamme, cu ta biba na Hulanda. Rita ta conoci pa traha e popchinan peculiar, cu ta forma parti di un exposicion hopi diferente, yama "Diorama" y ta biniendo Aruba pa duna tayer tocante con pa traha e popchinan aki.

Actualmente tin un exposicion impresionante na Museo Historico, cu ta conta nos historia, pero den forma di un "Diorama", di cada etapa di storia historico. E tayer aki lo efectua durante 2 siman y den e oranan di atardi y anochi, p'asina tur esunnan cu ta traha den dia, tin e oportunidad di participa tambe. E costo pa e workshop ta solamente 25 florin y mas despues lo anuncia e ora, dia y luga unda e workshop lo tuma luga. Pa inscripcion por pasa na Museo Historico durante e oranan di oficina, of por yama libremente tambe na 5885199 y tambe tin oportunidad di pasa durante e dia di celebracion nacional di Dia di Betico.